



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad
Dominicam Septuagesimæ

Haineuve, Julien

Coloniæ Agrippinæ, 1665

Die 2. Febrvarii. In Festo Purificationis B. Mariæ Virginis. Nihil excusavit
cùm multa potuisset quæ Virgo erat & Mater: ac proinde contra
excusationes exemplum est luculentissimum. Triplex autem ...

urn:nbn:de:hbz:466:1-44194

IN FESTO

PURIFICATIONIS B. MARIÆ
VIRGINIS.Die 2.
Februarij.VIDE SUPRA IN HAC PRIMA PARTE, DIEM OCTA-
VAM ET NONAM JANUARIJ.

QUOD præcipue considerandum in hoc Myfterio proponi debet, est illustre Exemplum Beatissimæ Virginis in servanda difficili lege, quâ minimè tenebatur. Cuius exempli vis & efficacia ut fructuosius communicetur, animadvertendum est, tria esse præcipua. Excusationum capita, quas solent prætereundum homines, ut se à servandis legibus & præceptis eximant.

Primum est Qualitas seu Coaditio, cuiuscunque sit rationis & modi. Plus enim sibi licere putant Viri in epulis & immunditiis, quàm mulieres. Minus se peccare putant Milites blasphemando, quàm Artifices. Mentiri Mercatores vix sibi esse illicitum putant. Jejunia imperata qui commodius servare possent Viri primarij, minus ea servant; tantaque libertate se ab his & similibus quibusdam præceptis immunes faciunt, quasi nulla religione præcepti tenerentur. quasi id omne licitè possent quod per vires & facultates possunt, & quasi dicerent, *sic fortitudo nostra, lex iustitia.*

Sap. 4.

Alij, quod est secundum caput, non suam Dignitatè vel Conditionem ita spectant, quàm rei agendæ qualitatè seu speciem, si tale est videlicet præceptum, ut in eo adimplendo iactura timeatur vel honoris, vel pecuniæ, vel commoditatis cuiuslibet, tunc pro ea quam sentiunt animi repugnantis difficultate, affirmabunt se id non posse, & sibi tam facile credent non posse, quam difficile sentiunt velle id facere. *Nequam valemus ascendere, LEO est fortis, in medio platearum occidendus sum.*

Num. 13.
Prov. 22.

Tertio denique, Nonnulla temporarij concedenda esse quæ semper usurpare nollent, contendunt alij: quod etsi non negetur in ijs quæ non sunt mala aut vetita, volunt tamen sibi concedi generatim in omnibus, *Non prætereant nos, flos temporis, NON habent radicem in se: sed temporales sunt.*

Sap. 2.
Marc. 4.

NON ita verò Sanctissima Dei Mater, non ita se purgat, fugiendo purgationis legem, non ita se excusat secumve dispensat, quamvis id li-

citè posset pro illo triplici capite quod enarratum est. Primò quidem ratione suæ Dignitatis cum esset Virgo Mater tam facile poterat se à lege redimere, quàm apertè legebatur in ipso legis decreto, solam eam obligari mulierem, quæ suscepto semine masculinum peperisset, Deinde autem si ratio difficultatis spectanda esset, nihil profecto poterat pudicæ Virgini gravius & molestius cogitari, quàm apparere immundam, & & quasi unam de cæteris mulieribus sistere se Sacerdoti, ut pro ipsa oraret; sicque mundaretur. O pudendum castissimæ frontis pondus! ponderosum Virginei valus pudorem!

Levit. 12.

Denique quid dicitur de Infante? Quid cogitabitur? An illum esse agnosceret Simeon cæterique fideles, quem ex Virgine nasciturum Propheta dixerat, si se mater tanquam immundam purgat? Certe videri potuisset cedendum esse temporarij, nec committendum, ut pro lege servanda Legislator deseratur.

Sed nihil horum valuit apud observantissimam Virginem; Obediet Virgo legi mulierum; obediet in re omnium sibi gravissima; obediet omni tempore. Sicque omnibus data est in Exemplum, ut nemo sua in Dignitate, aut in rei asperitate, vel licentia temporis possit sibi blandiri & indulgere; unde & ipsa sub nomine Sapientiæ: *Nunc ergo filij audite me: Beati qui custodiunt vias meas. Audite disciplinam, & estote Sapientes, & nolite abicere eam.*

Prov. 8.

Quamobrem ut conformiter huic Exemplum, caveant omnes ab illis quas prætereundum excusationibus: ac mandatis Divinis & Ecclesiasticis religiosius inhæreant! Tres indicantur Veritates Præcæ contra triplex excusationum genus, vel simul, vel seorsim, sibi aut alijs proponendæ.

* *
*

PRI-